



Šta im bi pa tako rekoše? Ja klanjam i spavam, postim i mrsim, te živim u braku! Onaj ko bude ostavljao moj sunnet, meni ne pripada

Od Enesa, radijallahu anhu, prenosi se da su neki ashabi Allahovog Poslanika upitali njegove žene o djelima koja je on radio u tajnosti. Poslije toga, jedan od njih je izjavio: "Ja se neću oženiti!" Drugi je rekao: "Ja neću jesti meso!", a treći: "Ja neću spavati na postelji!" To je doprlo do Vjerovjesnika, sallallahu alejhi ve sellem, koji se potom zahvalio Uzvišenom Allahu, te kazao: "Šta im bi pa tako rekoše? Ja klanjam i spavam, postim i mrsim, te živim u braku! Onaj ko bude ostavljao moj sunnet, meni ne pripada."

[صحيح] [متفق عليه]

Neki ashabi su došli do žena Allahovog Poslanika, raspitivajući se o njegovom ibadetu kada se osami. Kada im je bilo kazano, izgledalo im je malo, pa su konstatovali: "Gdje smo mi u odnosu na Poslanika, sallallahu alejhi ve sellem? Njemu su oprošteni svi grijesi, prošli i budući, dok onaj ko nije siguran da će mu biti oprošteno, on mora uložiti veći trud u ibadetu, u nadi da će steći oprost." Jedan od njih je kazao: "Ja se neću nikako ženiti." Drugi je rekao: "Ja neću konzumirati meso." Treći je dodao: "Ja neću spavati u postelji." Kada je Poslanik za to saznao, razljutio se, pa je održao govor pred ljudima u kojem je rekao: "Šta je s ljudima koji su rekli to i to?! Tako mi Allaha, ja sam najpobožniji od vas i najviše Ga se bojim, no spavam kako bih se osnažio za noćni ibadet, jedem kako bih mogao postiti i ženim se. Onaj ko se okrene od mog puta i smatra nešto drugo boljim, taj meni ne pripada."

<https://sunnah.global/hadeeth/bs/show/6078>

